



REPUBLIKA E SHQIPËRISË
KËSHILLI I MINISTRAVE

PROJEKT VENDIM

Nr. _____, Datë _____ 2025

PËR

DISA SHTESA DHE NDRYSHIME NË VENDIMIN NR. 712, DATË 31.7.2013, TË KËSHILLIT TË MINISTRAVE, “PËR PËRCAKTIMIN E PROCEDURAVE TË KONKURRIMIT PUBLIK PËR TË DREJTËN E PESHKIMIT NË UJËRAT E BRENDSHME, FORMAT E TJERA TË PESHKIMIT NË DET, PA PËRDORIMIN E MJETEVE LUNDRUESE, DHE ZHVILLIMIN E AKUAKULTURËS NË SIPËRFAQE PUBLIKE, TOKËSORE DHE UJORE”, TË NDRYSHUAR

Në mbështetje të nenit 100 të Kushtetutës dhe të pikës 3 të nenit 52 të ligjit nr. 64/2012, “Për peshkimin”, të ndryshuar, me propozimin e ministrit të Bujqësisë dhe Zhvillimit Rural, Këshilli i Ministrave

VENDOSI:

I. Në vendimin nr. 712, datë 31.7.2013, të Këshillit të Ministrave “Për përcaktimin e procedurave të konkurrimit publik për të drejtën e peshkimit në ujërat e brendshme, format e tjera të peshkimit në det, pa përdorimin e mjeteve lundruese, dhe zhvillimin e akuakulturës në sipërfaqe publike, tokësore dhe ujore”, të ndryshuar, bëhen shtesat dhe ndryshimet e mëposhtme:

1. Në bazën ligjore pas togfjalëshit “... Për peshkimin”, shtohet togfjalëshi “si dhe nenit 17 të Ligjit nr. 103/2016 “Për Akuakulturën” i ndryshuar”.
2. Në titull dhe kudo në përmbajtje, pas togfjalëshit “tokësore dhe ujore” shtohet togfjalëshi “dhe instalimet në pronësi shtetërore”.

3. Pika 11/1, 12 dhe 12/1 shfuqizohen.

4. Pika 13 ndryshohet si më poshtë:

“13. Për kryerjen e procedurave të konkurrimit publik për ushtrimin e veprimtarisë së peshkimit në ujërat e brendshme *për format e tjera të peshkimit në det, pa përdorimin e mjeteve lundruese dhe për zhvillimin e aktivitetit të akuakulturës në sipërfaqe publike, tokësore dhe ujore dhe instalimet në pronësi shtetërore*, me urdhër të titullarit të institucionit, ngrihet Komisioni i Vlerësimit të Kërkesave”.

5. Pika 14 ndryshohet si më poshtë:

14. Komisioni i Vlerësimit të Kërkesave, në përmbushje të detyrimeve të tij, kryen procedurat e mëposhtme:

- a) shkarkon dokumentacionin e depozituar në format elektronik gjatë procesit të aplikimit nëpërmjet portalit unik qeveritar e-Albania, ruan një kopje elektronike të tij dhe harton procesverbalin e hapjes së konkurrimit;
- b) kryen procesin e vlerësimit të dokumentacionit të paraqitur brenda 20 (njëzet) ditëve kalendarike edhe në rastin kur për objektin ujqor të shpallur për konkurrim është paraqitur një konkurrues i vetëm;
- c) verifikon nëpërmjet institucionit përgjegjës për shërbimet e peshkimit dhe akuakulturës, nëse subjekti konkurrues mbart detyrime financiare dhe nëse ndaj tij ka masa administrative;
- ç) në qoftë se kërkesa nuk është paraqitur në përputhje me kriteret e konkurrimit, kërkuessit i kërkohet në rrugë zyrtare që të korrigjojë pasaktësitë ekzistuese ose të plotësojë dokumentacionin e kërkuar, brenda 7 ditëve nga marrja e njoftimit. Kur kërkuessi plotëson pasaktësitë ose dokumentacionin brenda afatit të përcaktuar, kërkesa quhet e regjistruar nga dita që është dërguar. Kur kërkuessi nuk i plotëson brenda afatit të caktuar, kërkesa quhet se nuk është regjistruar.
- d) në përfundim të afatit të përcaktuar në shkronjën ç) të kësaj pike, vlerëson me pike dhe merr vendim brenda 15 ditëve kalendarike sipas çdo elementi konkurrimi
- dh) harton procesverbalin e zhvillimit të konkurrimit, ku përshkruhen pjesëmarrësit, konkurrentët e skualifikuar dhe arsyt e skualifikimit, si dhe renditja e subjekteve të kualifikuara sipas vlerësimit me pikë;
- e) paraqet te titullari procesverbalin e zhvillimit të konkurrimit dhe vendimin, për miratimin e procedurës brenda 7 ditëve.
- ë) njoftimi për rezultatet e konkurrimit dërgohet për publikim në Buletinin e Njoftimeve Publike dhe njoftimi vlerësohet i kryer brenda 10 ditëve nga data e botimit.

6. Pika 15, ndryshohet si më poshtë:

“15. Pas përfundimit të procedurave të sipërmendura, titullari i institucionit lidh kontratën për zhvillimin e veprimtarisë së kërkuar dhe të miratuar në procesin e konkurrimit me subjektin fitues brenda 30 (tridhjetë) ditëve kalendarike nga dita e përfundimit të shqyrtimit të ankimit,

nëse ka.”

7. Pikat 16 dhe 16/1 ndryshohen si më poshtë:

“16. Kontrata tip e cila lidhet me subjektin fitues miratohet me urdhër të ministrit.”

“16/1. Për monitorimin e kontratave ngarkohet struktura përgjegjëse për monitorimin e kontratave.”

8. Pika 17 ndryshohet me përmbajtjen si më poshtë:

“17. Subjektet konkurruese kanë të drejtën e ankimit brenda 30 ditëve nga përfundimi i afatit të përcaktuar në shkronjën “ë” të pikës 14 të këtij vendimi.

9. Pikat 17/1 dhe 17/2 ndryshohen, si më poshtë:

“17/1. Brenda 10 (dhjetë) ditëve nga paraqitja e ankesës, me urdhër të titullarit ngrihet komisioni shqyrtimit të ankesave, me 3 (tre) anëtarë me përbërje:

- një specialist i fushës;
- një ekonomist; dhe
- një jurist

“17/2. Komisioni Shqyrtimit të Ankesave, merr vendim për:

- a. pranimin e ankesës duke rivlerësuar dokumentacionin dhe procedurën në rast se vlerëson se në procedurën konkurruese janë shkelur kriteret procedurale apo ka pasur parregullsi në kryerjen e vlerësimit të kërkesave.
- b. mospranimin e ankesës dhe lënien në fuqi të vendimit të Komisionit të Vlerësimit të Kërkesave në rast se vlerëson se në procedurën konkurruese nuk janë shkelur kriteret procedurale apo nuk ka patur parregullsi në kryerjen e vlerësimit të kërkesave.

10. Pas pikës 17/2, shtohet pika 17/3 me përmbajtjen si vijon:

“17/3. Shqyrtimi i ankesës përfundon brenda 30 (tridhjetë) ditëve kalendarike nga data e përfundimit të afatit të ankimit sipas pikës 17 të këtij vendimi. Komisioni merr në shqyrtim njëkohësisht të gjitha ankesat, në rast se ka më shumë se një ankesë, për të njëjtën procedurë konkurrimi dhe për çdo ankesë merr një vendim të veçantë duke njoftuar subjektin ankimues.

11. Pika 18 ndryshohet si më poshtë

“18. Afati i kontratës për ushtrimin e veprimtarisë së peshkimit në ujërat e brendshme për format e tjera të peshkimit në det, pa përdorimin e mjeteve lundruese është 10 (dhjetë) vjet. Për kontratat me objekt zhvillimin e aktivitetit të akuakulturës në sipërfaqe publike, tokësore dhe ujore dhe instalimet në pronësi shtetërore, në varësi të vlerës investimit zbatohet afati i përcaktuar në nenin 13 të ligjit nr. 103/2016 “Për akuakulturën”, i ndryshuar.”

12. Pas pikës 19 shtohet pika 19/1 më poshtë:

“19/1. Për ujëmbledhësit e bujqësisë në përgjegjësi administrimi të njësive të vetëqeverisjes vendore, sipas vendimit Nr. 1108, datë 30.12.2015 të Këshillit të Ministrave “Për transferimin, nga Ministria e Bujqësisë, Zhvillimit Rural dhe Administrimit të Ujërave të Bashkitë, të Infrastrukturës së Ujitjes dhe Kullimit, të personelit dhe të aseteve të luajtshme e të paluajtshme të Bordeve Rajonale të Kullimi”, të ndryshuar, procedurat e konkurrimit zhvillohen nga njësia e vetëqeverisjes vendore, nën juridiksionin territorial të së cilës ndodhet ujëmbledhësi i bujqësisë, sipas pikave 5, 5/1, 5/2, 11, 12/2, 13, 14, 15, 16/1, 17/1, 17/2 dhe 18 të këtij vendimi

13. Ngarkohen Ministria e Bujqësisë dhe Zhvillimit Rural dhe Njësitë e Vetëqeverisjes Vendore për zbatimin e këtij vendimi.”

Ky vendim hyn në fuqi pas botimit në Fletoren Zyrtare.

K R Y E M I N I S T E R

E D I R A M A